



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

I. Imperator ad compescendam Lutheri insaniam in Germaniam
proficiscitur.

urn:nbn:de:hbz:466:1-10880

mystici Ecclesiæ ædificij basis sit & fundamen-
tum, sic ut uno conuulso aut mutato articulo, re-
liqui omnes eadem fortunam subeant, ut Illu-
striss. Cardinalis Bellarminus in Praefatione primi
Tomi eruditæ ostendit.

V. Audi quid hanc in sententiam Gallus (a) qui-
dam elegantis ingenij & doctrinæ homo dixerit.
*Quando noua Lutheri dogmata, ait, magni fieri: passim
cœperunt, vidimus veterem nostram Fidem disputatio-
nibus & argumentorum collationibus valde concussam:*
& facile apparet huius morbi principium mox in ex-
secreabilem Atheismū declinaturum. Sunt enim homines
eius naturæ, ut quem res suis ipsorum ponderibus & ra-
zione dijudicare nequeant, specie earum & communii
quodam errore facile abripiantur. Quamprimum certe
quis inducitur, ut opinione seu dogmata, qua in magna
prius habuit veneratione, qualia sunt quæ ad salutem
spectant, contemnere quodammodo ac disjutere aust, a-
deoq; Fidei sua articulos in dubium & ad trutinam revo-
cet; idem statim de ceteris quoq; Religionis capitibus nec
plus auctoritatē nec fundamenti habentibus, dubitare
incipiet; omnesq; persuasiones vel à legum auctoritate, vel
antiqui moris reverentia animo impressas, tamquam ty-
rannicum iugum abjectet, cum proposito nihil post hac se
recepturum aut crediturum, nisi quod prius ipse ad sui
iudicij normam exegerit, eiq; conueniens iudicari. Sic
alle veritatem turbans, medius mendacij turbis fœsi im-
miserit. Nec minus docte atque apposite eadem de
re Clemens Alexandrinus inquit, *Veritatem rem
arduam, ac difficultem esse eius investigationem, unde fa-
cile heres nascantur, præstertim in hominibus ambitio-
nis. & sui ipsorum amore & gressu, qui sibi aliuj; per-
suadent si intelligere illud quod tamen numquam didic-
erunt; nec scientiam, sed falsam scientia habent persua-
sionem.*

VI. Hoc loco facere non possum quo in ho-
stium castra paullulum concedam, non ut transfu-
ga, sed ut explorator, & vnius Centuriatorum Mag-
deburgensis notabile dictum, tamquam rosam
è spinis, decerpam. Ait ille, *malas artes & fraudes qua
contra veram religionem adhibentur, similes esse cuneo:
cuius acies tenuis admodum est, lignoq; infixus, haud ita
magnam fissuram facturam videatur: at ubi in rimam a-
digitur, paullatim hiatum ampliorem facit, donec tan-
dem vel maximam trabem omnino diffindat. Primam
cunei huius Lutherani fissuram ait Cardinalis Ho-
sius filius de Indulgencij disputationem. Secun-
da latior multosfuit & profundior, Communica-
tio scilicet laicorum sub veraque specie, & clerici-
corum matrimonia. At Augustana Confessio que-*

que postea sequuta sunt, tantam dederunt fissu-
ram ahiatum, vt nisi Deus propitiatus nos respex-
isset, numquam tam grandis hæc fissura rursus
coalesceret, & ad pristinam integritatem redire
posse videatur. Sed quemadmodum Milo athleta,
quoniam nimia virium fiducia arbore in media parte
hiantem diducere vellit, brachijs, redeunte ad se
arbore, hinc inde constrictis, & deficiente conatu
retentus, lupis esca fuit: sic quamvis hæreticus hic
gladiator, aliquique non minus validam quam anti-
quam Ecclesiæ arborem discindere annexi sint,
numquam tamen totam eam conuercent; sed spes
est potius eam pristina uitaterursus coalituras,
cum perpetua ignominia & ruina eorum qui didu-
cere eam ac diuidere sunt conati.

CAROLVS V. IMPERATOR in Germaniam proficiscitur: videt, audit & dannat Lutherum.

C A P V T XIII.

A R G V M E N T U M .

- I. Imperator ad compescendam Lutheri insaniam in Germaniam proficiscitur.
- II. Adeum Lutherus se consert.
- III. Quid præsente imperatore actum.
- IV. Imperator Lutherum dannat.
- V. Lutheranos inuadit Spiritus rebellionis.
- VI. Lutheri cum Treurenſi Archiepiscopo colloquium.

I. **Q**UATUOR iam circiter labebantur anni, ex
quo Lutherus Ecclesiam turbare cœperat,
cum iam Nobilitatem Germanicam in arma con-
ciuerat, edito scripto de grauaminibus Nobilitatis
plane sedioso ac furioso, Item libro de libertate
Christiana ad 6. Septemb. cum ei suppeditias tulit
etiam scribendo Ulricus Hüttenius Nob. Franco,
qui acerbum scriptum contra Romanistas euulgau-
it, vt contra Tyrannos pro Luthero, & mox
Rithum (Tit. *Qlag vnd Vermanung*) seditionisfissi-
mum & furiosissimum. Coronabatur sub id tempus
nemper Nou. Carolus V. Aquisgrani, & aderat
Imperatori Fridericus Elector Saxonie, cum dam-
nationis Romanæ sententia Wittebergā aduenit,
qui monitus 18. Nou. ad Academiam Vitteber-
gensem rescripsit perplexus, magis tamen Luthero
fauens, quem ei fauorem instillauerat Erasmus
Louano à Friderico euocatus, & consultus de Lu-
thero, qui ita patrocinatus est Luthero, ut dein-
ceps Elector Apostolicos Nuntios aduersus Lu-
therum

therum noluerit audire. Cum igitur coronatus in Imp. Romanum Carolus Hispaniatum Rex, iuuenis non minus generosus quam Christianus & Catholicus, ex inferiore Germania, vbi tunc erat, in Germaniam superiore proficisci, nouum hunc Prophetam audire, eiusque infaniam, quæ magnum malum Christianæ Reipublicæ minabatur, compescere statuisset, à Pontifice, qui in hunc finem Hieronymum Aleandrum ad eum ablegarat, principiū incitatus Comitia VVormariam indicta fuerunt ad seq. Anni initium futura Circa id tempus Lutherus librum suum De Ecclesiæ Reformatione, eidem Imperatori dedicarat, in quo valde schumiliat, & S. Athanasij exemplo, ad pedes ipsius tamquam ad aram & asylum se prosternit, per omnia sacra obsecrans, ut vim inimicorum, qui persequi ipsum non cessarent, omnesque conatus ad extingendum una cum ipso Euangelium dirigerent, à se depelet. Sic ille loquebatur, sic scribebat: tum omnes contentiones quæ inter Pontifices & Imperatores olim intercesserant, ac præcipue de Neapolis & Sicilia regno, velut è sepulchro rursus protrahebati; iuuenem hunc Principem vehementer exhortatus, ut ne auctoritatem suam eripi sibi ac pedibus conculcari patet, ut qui non minus iuris & imperij in clericos quam reliquos haberet, quos illi male Laicos appellarent: quum per Baptismum consecrati omnes & sacerdotes facti sumus. Hoc modo Lutherus in bonam Caroli gratiam & fauorem insinuare se studebat: utque ijs quæ scriperat, pietatis, devotionis & sanctitatis opinionem conciliaret, omnium paginatum frontispicijs Iesu nomen præfigebat; iterum uincit illud spectans ut Imperatorem cum Papa committeret, quod effectum se non semel iactarat, eo præcipue consilus, quod Imperatorem alienior esse à Leone animo speraret, ut qui eius electioni quantum poterat obstitisset. Quæ tamen spes valde illum fecellit: quod Religiosus hic Princeps suas iniurias insuper haberet, ut quo Deo illatas vindicaret. Lutheruſ iā ante non leuē terorem incusserat, quod Imperator in omni ditione sua Belgica libros ipsius cremari iussicerat: quod etiam in quibusdam ciuitatibus Imperialibus, ut Colonia ac Moguntia, factum fuit. Porro Fridericus Saxoniæ Dux vbi accepit Imperatorem VVormatiam proficisci, magnis itineribus & ipse eodem contendit, ut primus Imperatorem salutaret, ac in meliorem de Lutheruſ sententiam adduceret, quæ sanctæ vita atque doctrinæ hominem esse asseverabat. Econtra Hieronymus Aleander Pontificis

Legatus, xl. articulos è Lutheri libris excerptos, & hæreses iam olim à Concilijs damnatos, in frequentissimo Principum ac Statuum Imperij confessu, recitauit: atque hoc effecit ut alter alterum intueri, & contra Lutherum eiusque fautores murmurare inciperent. Quod vbi sensit Dux Fridericus, declinanda inuidia causa dixit, Eos articulos non esse Lutheri, sed in eius odium ab aduersarijs confititi; neque librum illum De captiuitate Babylonica ex Lutheri officina prodisse, sed suppeditatum esse. Ex aduerso Aleandro ipsissimos hos Lutheri esse factus afferente, ac re ad alterationem delapsa, visum fuit Imperatori ac Principibus, Lutherum ipsum accersendum esse, ne inauditum se damnatum esse quæri posset. Lutherus accepto celeriter eius rei nuncio pelli suæ ante omnia consultum voluit, eoque salvum conductum non Imperatoris tantum, sed Imperij quoque Principum manu signatum pettit. Annon vero digna hæc ecclitii ad perditam restauradam Christianam fidem, misso Prophetâ videtur constantia? Illi olim priscæ religionis Antistites, tyrannos adituri, & in ipso quasi Sathanæ sterquilinio Euangeliū prædicaturi, an villam vitæ suæ securitatem expetebant? Certe tantum abest, ut honestam eius perdenda quæsierint occasionem. Sic igitur pro vnius Monachi saluo conductu publicæ expeditæ sunt & signatae litteræ; adiecta ista conditione, ut Lutherus in itinere neque concionaretur usquam nec scriberet; missusque est VVittebergam Imperialis caduceator, qui eum VVormatiam deduxit, comitantibus Iona Ecclesiâ VVittebergensis Præposito, D. Schurffio Jurisconsulto, & Amsdorffio, quem postea Lutherus primum & ultimum suam manu Episcopum consecravit, ut suo loco infra dicetur.

11. Ad hanc famam viæ passim & compita quamque iter faciebat Lutherus ingenti hominum multitudine Monachi huius (cucullo enim tunc adhuc indutus erat, quem Anno MDXXII. demum abiicit,) videndi desiderio accurrentium, complebantur. Ipse Lutherus curru iam modum lecticæ facto & umbroso vehebatur, non iam vt olim quando ad Legatū proficisciatur, pedibus suis inequitans. In diuersorijs multa propinatio, læta compotatio, Musices quoque gaudia, adeo ut Lutherus alicubi sonora testitudine ludens, omnia in se oculos conuerteret, velut Orpheus quidam aut Amphion, sed rarus adhuc & cucullatus, eoque mirabilior. Non hoc

H 2
a. Bzouius in Annal. An. 1521.

ornata